

## 3. Meisa rodunda

Alla 3. meisa rodunda che ha giu liug culla partecipaziun dallas vischnauncas e dallas instituziuns han ins saviu elaborar las actas da fundaziun (concept, statutas e «declaronza»). Ei ha buca dau midadas fundamentalas. Las persunas participontas dalla meisa rodunda han viu che tut ils suttapeis per fundar la societad Reit da sanadad Surselva SA ein avon maun e quei en ina buna fuorma. Suentar la meisa rodunda ein ils documents en ina fuorma finala vegni tarmess allas vischnauncas ed instituziuns. Quellas vegnan ussa a decider entochen ils 31 d'uoost 2023 davart la collaboraziun per la Reit da sanadad Surselva SA.

## Recrutaziun dil cussegl d'administraziun

L'entschatta zercladur ein ils inserats per la recrutaziun dil cussegl d'administraziun futur vegni publicai en diversas gasettas e silla pagina d'internet dalla SanaSurselva. El decuors dil davos meins ein pliras annunzias vegnidadas inoltradas. Quellas vegnan pil mument examinadas sin fundament da differents criteris dalla cumissiun da recrutaziun. La fin d'uoost han las intervestas cullas candidatas e culs candidats liug. La proposta per l'elecziun dil cussegl d'administraziun vegn messa avon als fundaturs dalla Reit da sanadad Surselva SA l'entschatta settember. La cumissiun da recrutaziun ei ottimistica ch'il cussegl d'administraziun futur secumpona da persunas cumpetentas ed engaschadas.



Nus vegnin adina pli datier dalla fundaziun dalla Reit da sanadad Surselva SA ed essan pertscharts che quella sa vegnir fundada igl october 2023.



## Ils proxims pass:

- deliberar ils documents da fundaziun ed examinaziun preliminaras entras igl register da commerci
- eleger il notar
- process per l'elecziun dil post da revisiun
- ils 31 d'uoost 2023 scada il termin per la collaboraziun tier la fundaziun dalla Reit da sanadad Surselva SA
- deliberar l'occupaziun dil cussegl d'administraziun
- fin da settember 2023 documentaziun dallas actas per la fundaziun dalla societad
- l'entschatta october 2023 l'impurtaziun dalla Reit da sanadad Surselva ed il register da commerci